

72032

11



蘇東坡詩集注卷第十五

送別上

趙德麟餞飲湖上舟中對月



老守惜春意主人畱客情官餘閒日月湖上好清

明新火發茶乳温風散粥餚子仁白居易清明詩畱餚和冷粥出火煮新茶酒闌

紅杏閣日落大隄平揚劉禹錫詩春江月出大隄平清夜除燈坐孤舟

擘岬撐逮君憤未墮續晉書庾敳字子嵩於東海王鉞坐頽然醉憤墮几上以頭就穿對此

月猶橫

送曾子固倅越得燕字

次公以先生詩案攷之此熙寧二年詩也堯卿子固

名鞏南豐人嘉祐二年永叔知貢舉子固兄弟四人同登科治平中與東坡同在館中

醉翁門下士雜沓難為賢傳劉向傳雜沓衆賢罔不肅和曾子獨超軼

孤芳陋羣妍昔從南方來與翁兩聯翩翁今自憔悴子去亦宜然

次公醉翁為參政時子固亦在館閣故云兩聯翩賈誼窮適楚厚賈

天子議以誼任公卿之位絳灌之屬皆害之出為長沙太傅長沙楚地也樂生老思燕厚樂毅去燕奔趙燕王以其子閒為昌國

君而毅往來復通燕那因江鱸美遽厭天庖羶但苦世論隘聒耳

如蜩蟬次公案先生詩案云送曾鞏詩以譏近來多用刻薄之人議論鄙隘如蟬之鳴不足聽也師晉嵇康書賓客盈座鳴聲聒耳

安得萬頃池養此橫海鱣援賈誼弔屈原賦橫江湖之鱣鱉方固將制於螻蟻厚謝晦詩偉哉

橫海鱣壯矣垂天翼李白詩魯國一杯水難容橫海鱣

王頤赴建州錢監求詩及艸書

我昔識子自武功寒廳夜語尊酒同次公武功縣名屬永興軍今之長安

也退之答張徹詩云勤來得晤語勿憚宿寒廳酒闌燭盡語不盡倦僕立寐僵屏

風續漢陳萬年病召其子成教戒於牀下語至夜半成睡頭觸屏風丁寧勸學不死訣自言

親受方瞳翁續南史陶弘景年踰八十而有壯容仙書云眼方者壽千歲弘景末年一眼有時而方厚真人之目方瞳綠筋貫之有紫光援李根兩目瞳子皆方仙經說八百歲人瞳子方也次公拾遺記老叟五人見老聃其瞳子方嗟予聞道不

早悟醉夢顛倒隨盲聾邇來憂患苦摧剝意思蕭

索如霜蓬羨君顏色愈少壯外慕漸少由中充河

車挽水灌腦黑續黃庭經云北方正氣名河車仙經云鉛絕河車空所作必無功鉛失河車絕萬事無所出次公道

流河車挽水蓋搬運之法也丹砂伏火入頰紅師道家言服九轉丹砂者為地行仙

安國古嵩子真訣云大丹第六轉以文武火養一伏時成其伏火朱砂以楮汁丸如麻子大每日空心酒下三九駐顏定色大梁相

逢又東去但道何日辭樊籠師莊子內篇澤雉十步一啄百步一飲不斲蓄乎樊中厚南史

楊休之不樂煩職典選久曰此官寔自清華但妨吾賞真是樊籠矣未能便乞岫漏令厚葛洪聞交趾出丹砂求

為勾漏令帝不許洪曰非欲求禁以有丹爾官曹似是錫與銅厚晉王徽之為桓冲騎兵參軍冲問卿署何曹對曰

似是馬曹留詩河上慰離別艸書未暇緣匆匆厚晉衛恒傳載張伯英下筆必

文蔚堂

為楷則曰勿
勿未暇州書

送安惇秀才失解西歸

舊書不厭百回讀熟讀深思子自知續人有從董遇學者遇不肯教而云必當

先讀百回讀書百遍而義自見他年名宦恐不免今日棲遲那可追我

昔家居斷還往著書不復窺園葵厚董仲舒為博士下帷講誦三年不窺園次公

園葵字則使公儀子拔去園葵也竭來東遊慕人爵棄去舊學從兒嬉

狂謀謬算百不遂惟有霜鬢來如期故山松柏皆

手種行且拱矣歸何時厚左傳秦穆公使孟明西乞白乙伐鄭蹇叔哭之公曰爾何知中壽爾墓之木

拱矣萬事早知皆有命十年浪走寧非癡厚南史沈攸之言早知窮達有

命恨不十年讀書與君未可較得失臨別惟有長嗟咨

送任伋通判黃州兼寄其兄孜堯卿孜時為簡州平泉令字師

聖伋字師中皆名士眉人也東坡謂之大任小任兄弟於慶曆間登第

吾州之豪任公子少年盛壯日千里續史記田光曰騏驎盛壯之時一日而馳千

里至其衰老無媒自進誰識之有才不用今老矣別來

十年學不厭讀破萬卷詩愈美續杜詩讀書破萬卷下筆如有神黃州

小郡夾谿谷茆屋數家依竹葦次公見佛書稻麻竹葦知命無

憂子何病見賢不薦誰當恥平原老令更可悲次公

此所謂寄其兄孜也六十青衫貧欲死桐鄉遺老至今泣

續前漢朱邑字仲卿病且死屬其子曰我故桐鄉吏其民愛我必葬我桐鄉後世子孫奉嘗我不如桐鄉民饒按同安志云朱司農廟在桐城縣西

南漢書志云大司農朱邑家在桐城西郭穎川大姓誰能筆援漢書穎

外子仁李白詩云六帝餘古丘樵蘇泣遺老川大姓原楮宗族恣橫賓客犯為盜賊前二千石莫能

消息莫對黃鸝矜爪觜鷓鴣退之詩魯連細而點有似黃鷓鴣子田巴兀老蒼憐汝矜爪觜因君寄聲問

送劉放倅海陵

〔堯卿〕放字貢父嘗為泰州通判

君不見阮嗣宗臧否不挂口〔續〕晉阮籍字嗣宗不拘禮法發言玄遠口不臧否人物休

誇舌在牙齒牢〔援〕史記楚相遺璧意張儀掠筭數百其妻羞之儀曰視吾舌尚在不在妻笑曰在也儀曰足矣厚退之詩

羨君牙齒牢且潔〔師〕案公赴詔獄招此詩譏諷朝廷新法不便不容人直言不如耳不聞而口不言也是中惟可飲醇

酒〔厚〕南史謝朓為吳興其弟淪於征虜渚送別朓指淪口曰此中唯宜飲酒讀書不用多作詩不

須工海邊無事日日醉夢魂不到蓬萊宮〔次〕公杜詩憶獻三賦

蓬萊宮秋風昨夜入庭樹蓴絲未老君先去〔養〕源齊民要術云羹之菜

蓴為第一四月蓴生莖而無葉名雉尾蓴芽甚肥美葉舒長名絲蓴君先去幾時回劉郎應白

髮桃花開不開〔堯卿〕劉夢得元和十年自朗州承召至京師戲贈看花諸君子詩紫陌紅塵拂面來無人不道看花

回玄都觀裏桃千樹盡是劉郎去後栽大中二年三月復來遊作絕句并引曰予正元二十一年為尚書屯田員外郎時此觀中未有花木是歲出牧連州

尋貶朗州司馬居十年召至京師人人皆言有道士植仙桃滿觀如爍晨霞遂作詩以志一時之事旋左出牧予今十有四年得為主客郎中重遊茲觀蕩

然無復一樹唯免葵燕麥動搖春風耳因再題二十八字以俟後遊詩曰百畝庭中半是苔桃花落盡菜花開種桃道士歸何處前度劉郎今再來

送錢藻出守婺州得英字

〔堯卿〕藻字醇老

老手便劇郡〔師〕朱邑傳云遠守劇郡高懷厭承明〔續〕嚴助為會稽太守上賜書曰君厭承明

之廬勞侍從之事懷故鄉出為郡吏聊紆東陽綬〔續〕婺州故東陽郡濯滄浪纓東陽

佳山水〔厚〕劉禹錫詩東陽自是佳山水何況曾經沈隱侯〔信〕民韻語陽秋云東陽峴山去縣三里舊名三丘山未到意

已清過家父老喜〔次〕公後漢岑彭傳有詔過家上冢出郭壺漿迎子行

得所願愴恨居者情吾君方急賢日盱坐邇英〔邇〕英閣名

〔堯卿〕宋景文詩太極洪樞暇西清秘閣開文從僻府出輦自殿中來蓋謂是也黃金招樂毅〔續〕燕昭王置千金于臺上以延

天下士謂之黃金臺於白壁賜虞卿〔援〕史記虞卿躡屣擔簦說趙孝成王一見賜黃金百鎰白壁一雙再見

爵上子不少自貶陳義空崢嶸〔厚〕孔子世家子貢曰夫子之道至大也故天下莫能容夫子蓋少

貶焉〔續〕莊子楚王反國賞國人屠羊說不受王曰屠羊說陳義甚高堯卿子美詩崢嶸吐高論古稱為郡樂漸恐

煩敲榜臨分不敢盡醉語醒還驚

師按公赴詔獄招此詩言行青苗助役不免用

鞭箠催促醉中道此醒後還驚恐得罪以譏諷朝廷立法不便之故

送呂希道知和州

堯卿希道乃文穆之後

去年送君守解梁今年送君守櫪陽

次公櫪陽和州也

年年

送人作太守

續世說襄陽羅友好道嗜酒桓温雖以才遇之許而不用人有得郡者温為席送別友亦被命至尤遲晚温問之

答曰且出門逢一鬼揶揄云我只見汝送人作郡不曾見人送汝作郡遂慚怖却回不覺淹緩温心愧焉後以為襄陽太守

坐受塵土

堆胷腸君家聯翩三將相

堯卿蒙正蓋文穆本朝名相其姪曰夷簡夷簡之子曰公著皆為將相

富貴未已今方將鳳雛驥子生有種

厚杜詩實侍御驥之子鳳之雛年未三

十忠義俱堯卿龐統者德公之從子也德公謂統為鳳雛晉陸雲幼時吳尚書問鴻見而奇之曰此兒若非龍駒當是鳳雛北齊裴景鸞景鴻河東聞喜人並有逸才河東呼景鸞為驥子

毛骨往往傳諸郎

堯卿晉宋時江左謂玉謝子弟為烏衣諸郎

觀君

崛鬱負奇表便合劔佩趨明光胡為小郡屢奔走

征馬未解風帆張我生本自便江海忍恥未去猶

仿徨無言贈君有長歎美哉河水空洋洋

厚孔子將西見趙簡

子至於河而聞寶鳴犢舜華之死也臨河歎曰美哉河水洋洋乎吾之不濟命也夫

送文與可出守陵州

堯卿與可名同梓州鹽亭縣人皇祐元年馮京榜及第

僻上墨君不解語

次公晉人以卿為常以君為重命竹謂之君者王子猷也子猷常寄居空宅中便令種竹或問

其故但嘯咏指竹曰何可一日無此君邪此子猷命竹謂之君也文與可善墨竹今先生又呼墨竹為墨君蓋嘗作墨君堂記云

見之尚可

銷百憂而况我友似君者素節凜凜欺霜秋清詩

健筆何足數

次公杜詩清詩近道要又云健筆凌鸚鵡

逍遙齊物追莊周奪官

遣去不自覺曉梳脫髮誰能收江邊亂山赤如赭

次公史記秦始皇伐山樹赭其山

陵陽正在千山頭知君遠別懷抱惡

時遣墨君消我愁

送劉道原歸覲南康

堯卿道原名恕廬州人熙寧二年為秘書丞編修文字

晏嬰不滿六尺長

厚史記晏子御者之妻語其夫曰晏子長不滿六尺身相齊國名顯諸侯

高節萬

仞凌首陽

續齊崔杼弒莊公立景公而相之盟國人曰所不與崔慶者讀未終晏子抄易其詞曰嬰所不唯忠於君利社稷者是

與有如上帝乃敵首陽伯夷叔齊也

青衫白髮不自歎富貴在天那得忙

十年閉戶樂幽獨百金購書收散亡竭來東觀弄

丹墨聊借舊史誅姦彊

次公東觀言道原之為史官也後漢述史於東觀

孔融不

肯下曹操

續融見操雄詐漸著數不能堪故發詞褊宕多致乖忤

汲黯本自輕張湯

援張湯深文苛刻黜罵曰天下謂刀筆吏不可為公卿果然必湯也

雖無尺筮當寸刃口吻排

擊含風霜自言靜中閱世俗有似不飲觀酒狂衣

巾狼藉又屢舞

任蓋寬饒曰我乃酒狂詩云屢舞傲傲屢舞嗟嗟

傍人大笑供千

場交朋翩翩去略盡惟我與子猶仿徨世人共棄

君獨厚豈敢自愛恐子傷朝來告別驚何速歸意

已逐征鴻翔匡廬先生古君子

堯卿匡廬先生道源父也致仕二十餘年矣

挂

冠兩紀鬢未蒼

援晉陶弘景挂冠神武門

定將文度置膝上

續晉王述愛其子坦

之雖長大猶抱置膝上文度坦之字

喜動鄰里烹猪羊

續古樂府木蘭歌鄰里喜我歸磨刀霍霍向猪羊

君

歸為我道姓字幅巾他日容登堂

厚東漢符融遊太學師事少府李膺膺風性高

簡嘗每見融輒絕他賓客聽其言論融幅巾奮袖談辭如雲

送張安道赴南都留臺

我公古仙伯

次公道科有仙卿仙伯如集仙錄大茅君傳有云紫陽左公太極仙伯是也堯卿神仙王知遠母夢靈鳳集因

而有娠僧寶誌曰生子當為神仙宗伯其後知遠謂弟子曰吾漸遊洞府仙曹除吾為少室仙伯

超然羨門姿

續西漢郊

祀志始皇東遊海上求仙人羨門之屬應劭曰羨門名子高古仙人也堯卿紫陽真人周義山入蒙山遇羨門子乘白鹿執羽蓋佩青旄之節侍從十餘

玉女真人乃再拜叩頭乞長生要訣羨門子曰子名在丹臺玉室中何憂不仙先生以安道有仙風道骨故云耳

偶懷濟物志

遂為世所縻黃龍遊帝郊簫韶鳳來儀厚禮記龜龍在郊數揚雄

傳鳳皇巢其樹黃龍遊其沼書簫韶九成鳳皇來儀終然反溟極豈復安籠池次公晉潘安仁

云池魚籠鳥出入四十年憂患未嘗辭一言有歸意闔府諫

莫移吾君信英睿搜士及茆茨堯卿當時神宗皇帝無人長者

側何以安子思歸來掃一室次公後漢陳蕃嘗聞處一室而庭宇蕪穢薛勤謂蕃曰孺子何

不灑掃以待賓客曰大丈夫當掃除天下安事一室乎虛白以自怡續莊子虛室生白吉祥至止遊於物

之初厚莊子吾遊於物之初世俗安得知我亦世味薄因循鬢

生絲出處良細事從公當有時

穎州初別子由二首

堯卿熙寧四年十月公赴杭州通判時黃門送至穎州別

征帆挂西風別淚滴清潁畱連知無益惜此須臾

景我生二度別堯卿與黃門初別於鄭州門外次別鄭州今別穎州此別尤酸冷念

子似先君木訥剛且靜寡辭真吉人介石乃機警

續易吉人之辭寡又曰介石不終日貞吉師按公赴詔獄招此詩言弟曾爭議新法不合乞罷既美其去果決亦是譏新法之不便也至今

天下士去莫如子猛嗟我以病狂意行無坎井有

如醉且墜續莊子醉者之墜車雖疾不死其神全也幸未傷輒醒從今得閒

暇默坐消日永作詩解子憂持用日三省

近別不改容遠別涕沾胃咫尺不相見實與千里

同人生無別離誰知恩愛重始我來宛丘牽衣舞

兒童便知有此恨畱我過秋風秋風亦已過別恨

終無窮問我何年歸我言歲在東堯卿歲在東辰卯年也離合既

循環憂喜迭相攻悟此長太息我生如飛蓬多憂

髮早白不見六一翁師歐陽公自號六一居士云吾家藏書三代以來金石遺文一千卷有琴一張有碁一局有酒一壺而

六百廿五
吾身處其間
是為六一

壽州李定少卿出錢城東龍潭上

山雅噪處古靈湫亂沫浮涎遶客舟無逸延平志云苦竹潭在尤溪縣西

四十五里潭有五龍人常見之有漁者棹舟潭上龍吐涎沫舟膠不能進自辰至午涎沫漸泮遂獲免焉未暇燃犀照奇

鬼次公燃犀見仙遊潭詩注奇鬼字出張平子思立賦注曰梁北部有奇鬼善效人之子姪昆弟云欲將燒燕出

潛蚪續燕肉水族嗜之今釣魚聚蛇其術多以燕肉次公梁四公記載震澤洞事次公曰龍畏蠟愛美玉及空青而嗜燕啓之武帝燒燕五百枚教羅子春以燒燕往而得寶珠蜀都賦下高鵠出潛蚪邦衡物類相感志云龍之為性麤猛而畏鐵愛玉及空青而嗜燒燕肉故食燕肉之人不可

以渡使君惜別催歌管邨巷驚呼聚獲猴北地他年

頌遺愛觀魚并記老莊周

送蔡冠卿知饒州熙寧五年壬子

吾觀蔡子與人遊掀脰笑語無不可平時儻蕩不

驚俗臨事迂闊乃過我橫前坑窅眾所畏布路金

珠誰不裹次公先生詩案自言以譏當今朝廷進用之人有逆其意者則設坑窅以陷之有順其意者則以利誘之如以金玉布於

道邇來變化驚何速昔號剛彊今亦頗憐君獨守

廷尉法續張釋之曰廷尉天下之平也一傾而天下用法皆為之輕重民安所措其手足晚歲却理鄱陽

柁莫嗟天驥逐羸牛子仁杜詩錦樹行天馬跛足隨羸牛欲試良玉須猛

火援淮南子鍾山之玉灼以爐炭三日三夜色澤不變得天地之精也世事徐觀真夢寐人生不

信長坎軻知君決獄有陰功續于定國父于公曰我治獄多陰德子孫必有興者他日

老人酬魏顥厚左傳魏顥以父治命嫁其愛妾及輔氏之役見老人結艸以抗秦將杜回因獲之夜夢老人曰余而所嫁婦人之父也爾用先人之治命余是以報

送岑著作

懶者常以靜靜豈懶者徒拙則近於直而直豈拙

歟夫子靜且直雍容時卷舒嗟我復何為相得歡
 有餘我本不違世而世與我殊拙於林間鳩懶於
 冰底魚人皆笑其狂子獨憐其愚直者有時信平
 靜者不終居而我懶拙病不受砭藥除臨行怪酒
 薄已與別淚俱後會豈無時遂恐出處疎惟應故
 山夢隨子到吾廬

次公淵明詩吾亦愛吾廬詳此詩末句則岑著作赴官眉州也

送張職方吉甫赴閩漕六和寺中作

堯祖按杭州圖

經云六和塔在龍山月輪峰開寶三年智果禪師始建塔因即其地造寺

羨君超然鸞鶴姿江湖欲下還飛去空使吳兒怨
 不留青山漫漫七閩路門前江水去掀天寺後清
 池碧玉環

次公六和寺後有池蘇子美所賦金鱗魚是也又禹錫詩云水遶亭臺碧玉環

君如大江日

千里我如此水千山底

送張軒民寺丞赴省試

龍飛甲子盡豪英

次公李白詩談笑盡豪英而豪英字本出袁盎云天子所與共六尺輿者皆天下豪英也

嘗

喜吾猶及老成人競春蘭笑秋菊

續煙花錄煬帝曰春蘭秋菊各一時之芳次公陳

崇業云蘭菊異芳胡有廢者

天教明月伴長庚

次公長庚太白也退之詩云東方未明大星沒獨有太白對殘月

傳家各自聞詩禮與子相逢亦弟兄洗眼上林看

躍馬

次公上林漢苑名以言京師若瓊林苑者乃新先輩所宴之處史記蔡澤云躍馬食肉富貴四十二年足矣

賀詩先到

古宣城

伯父與太平州張侍讀同年此其子

次韻孫莘老見贈時莘老移廬州因以別之

鑪錘一手賦形殊造物無心敢望渠我本疎頑固

當爾子猶淪落况其餘龔黃側畔難言政援龔遂為渤海太守

黃霸為潁川太守見前漢循吏傳羅趙前頭且眩書莘老見稱政事與書而莘老景趙元嗣與張伯英並時見稱故伯英自稱上比崔杜不足下方羅趙有餘惟有陽關一杯酒慇懃重

唱贈離居

贈別

青鳥銜巾久欲飛續太平廣記漢武故事七月七日於永華殿齋西王母來至有二青鳥挾侍王母旁厚杜詩楊花

雪落覆白蘋青鳥飛去銜紅巾黃鶯別主更悲啼援唐韓滉鎮浙西戎昱為部內刺史有官妓善歌色亦閑妙昱情屬至厚滉聞其能召至籍中昱為詞以送云送客春風湖上亭柳條藤蔓繫人情黃鶯久住還相識欲別頻啼四五聲妓至唱戎此詞滉即時歸之

慇懃莫忘分攜處湖水東邊鳳嶺西

席上代人贈別三首

悽音怨亂不成歌縱使重來奈老何淚眼無窮似

梅雨次公風土記夏至前雨名黃梅雨水潤土溽三月雨曰迎梅五月雨曰送梅一番勻了一番多

天上麒麟豈混塵續南史徐陵母臧氏嘗夢五色雲化為鳳集左肩上已而誕陵年數歲家人攜以候寶誌誌摩

其頂曰天上石麒麟也籠中翡翠不由身次公籠中翡翠見白樂天詩那知昨夜香

閨裏更有偷啼暗別人

蓮子擘開須見臆楸枰著盡更無期破衫却有重

逢處一飯何曾忘却時次公此吳歌格借字寓意也古詩有云圍碁燒敗襖著子故依然乃此格矣蓮子曰蒨蒨中么荷曰蕙須見臆以蒨之蕙言之楸枰碁盤也杜牧詩云玉子紋楸一路饒則此楸謂之矣更無期以碁言之重逢處以縫綻之縫隱之也忘却時以匙匕之是隱之也

送杭州杜戚陳三掾罷官歸鄉師熙寧五年

秋風撼撼鳴枯蓼次公撼所革反潘安仁秋興賦庭樹撼以灑落兮勁風勵而吹帷注撼葉落貌船閣

荒邨夜悄悄正當逐客斷腸時君獨歌呼醉連曉

厚漢曹參傳相舍後園近吏舍日飲歌呼參聞之乃反取酒張坐飲大歌呼與相和老夫平生齊得喪尚

戀微官失輕矯君今憔悴歸無食五斗未可秋毫

小續陶淵明云吾不能為五斗米折腰事鄉里小兒君言失意能幾時月啖蝦蟆

行復皎厚盧全月蝕詩傳聞古老說蝕月蝦蟆精次公先生詩話云玉川子作月蝕詩以為蝕月者月之蝦蟆也梅聖俞作日蝕詩云日蝕者三足鳥也此固因俚說以寓其意也戰國策曰日月暈於外其賊在內則俚說亦當矣殺人無驗中不快

此恨終身恐難了次公平時讀此詩未痛解及觀先生詩案而後釋然蓋杭州錄事參軍杜子房司戶陳珪司理

威秉道各為承受勘夏香事本路提刑陳時舉駁差張若濟重勘上件三負官因此衝替月啖蝦蟆行復皎言陳時張若濟蒙蔽朝廷殺人無驗中不快詩案作終不快意者欲致夏香以死罪而杜陳何隨手已遭憂患繞堯卿張若濟期君正似種宿麥

咸三掾不敢以死罪處之則殺人為無憑驗終不決也不決也

忍饑待食明年麩次公西人呼擣麥屑為麩

次韻周長官壽星院同餞魯少卿

琉璃百頃水仙家續杜詩天地黯慘忽異色波濤萬頃堆琉璃師杭州西湖上有水仙王廟風靜平

湖響釣車寂歷疎松欹晚照伶俜寒蝶抱秋花困

眠不覺依蒲褐歸路相將蹋桂華續唐垂拱中天台桂子落十餘日方止字仁桂

華意指月也胡瓜反舊注引天台桂子非是不然却成重押花字韻矣更著綸巾披鶴氅他年應

作畫圖誇厚綸巾則晉人白綸巾也王恭於雪中披鶴氅而行孟昶視之曰神仙中人也恭美姿儀人多慶悅或目之云濯濯如春月柳

杭州牡丹開時僕猶在常潤周令作詩見

寄次其韻復次一首送赴闕

羞歸應為負花期已見成陰結子時厚唐闕記載杜牧之詩自是尋春去

較遲不須惆悵怨芳時狂風落盡深紅色綠葉成陰子滿枝與物寡情憐我老遣春無恨

賴君詩玉臺不見朝酣酒次公南部新書載李正封詩國色朝酣酒天香夜染衣上指楊妃曰

粧臺前飲以一紫金盞酒則正封之詩見矣金縷猶歌空折枝續杜秋娘金陵女也年十五為李錡妾嘗為錡

文蔚堂

蘇東坡詩集注卷五

蘇東坡詩集注卷五

唱詞云勸君莫惜金縷衣勸君須惜少年時花開堪折直須折莫待無花空折枝見杜牧之序從此年年定相見

欲師老圃問樊遲

莫負黃花九日期人生窮達可無時十年且就三

都賦厚左思欲賦三都乃詣著作郎張載訪岷卬之事遂構思十年門庭藩溷皆置紙筆遇得一句即便疏之自以其所見不博求為秘書

相傳寫都城為之紙貴郎及賦成豪貴之家競萬戶終輕千首詩續杜牧之詩云誰人得似張公子千首詩輕萬

侯天靜傷鴻猶戢翼次公傷鴻事暗用戰國策更羸虛弦而落傷鴈也師唐傅奕傳傷弓之禽驚曲木

月明驚鵲未安枝任月明星稀烏鵲南飛遠樹三市無枝可依見魏武帝詩君看六月

河無水萬斛龍驤到自遲次公龍驤大舟也

送段屯田分得于字

勸農使者古大夫不惜春衫踐泥塗王事靡盬君

甚劬奉常客卿蚪兩須次公勸農使者指段屯田也奉常客卿喬太傅也應為太常博士矣蚪須字崔

宮先生非俗儒任時趙杲卿為郡教授相與野飲四子俱樂哉

此樂城中無溪邊策杖自攜壺腰笏不煩何易于

東武縣令天馬駒續大宛國有善馬生駒皆汗血號曰天馬子洋

膠西

病守老且迂師公時為密州守空齋愁坐紛墨朱續蘇綽為周行臺左丞始制文

四十豈不知頭顱續撫遺載陶弘景與從兄書云昔仕宦期四左右作尚書郎即

畏人不出何其愚

送李供備席上和李詩

家聲赫奕蓋并涼也解微吟錦瑟傍續杜詩何時詔此金錢會暫醉佳人

傍擘水取魚湖起浪引杯看劍坐生光任杜詩看劍引杯長風

流別後人人憶才氣歸來種種長不用更貪窮事

錦瑟

文蔚堂

業風騷分付與沈湘

送趙寺丞寄陳海州

景疏樓上喚蛾眉君到應先誦此詩

次公海州即東海郡也二疏之鄉故

有樓曰景疏

若見孟公投轄飲

續陳遵字孟公每大飲賓客滿堂輒關門取客車轄投井中雖有急終不得去

莫忘衝雪送君時

堯卿子美詩北歸衝雨雪

送喬施州

堯卿名叙字禹功嘗以太博換左藏知欽州其後除知施州

恨無負郭田二頃

厚史記蘇秦曰使我有洛陽負郭田二頃豈能佩六國相印乎

空有載行

書五車

厚莊子惠施多方其書五車續李叡譽謂子孫吾負郭田十頃耕之足以食江都書數車力讀可求進

江上

青山橫絕壁雲間細路躡飛蛇雞號黑暗通蠻貨

胡人謂犀為黑暗希聲西陽雜俎云犀角通者其理有倒插正插腰鼓插倒者一半已下通正者一半已上通腰鼓者中斷不通故波斯謂牙為白暗犀為黑暗續靈犀之角雞見其影則鳴太公使南宮适使義渠渠得駭雞犀以獻商紂次公抱朴子曰通天犀有一白理如線者以盛米置羣雞中雞欲往

啄米至輒驚却故南人名曰駭雞犀也

蜂鬧黃連採蜜花

次公本州言有苦蜜蓋蜂採黃連為之

共怪

河南門下士不應萬里向長沙

喬受知於吳丞相而施州風土大類長沙

送范景仁遊洛中

小人真闇事閒退豈公難

按公詩案招此譏當時所用之人以小才而當大任闇於事理以進為榮

以退為辱也

道大吾何病

續顏淵曰夫子之道至大故天下莫能容雖然不容何病

言深聽者寒

憂時雖早白

子仁按先生嘗誌范公墓云宋仁宗即位三十五年未有繼嗣公獨奮曰事有大於此者乎即上疏請擇宗室賢

者異其禮物而試之政事以繫天下心聞者為之股栗章累上不報待罪百餘日章十九上須髮為白

住世有還丹得

酒相逢樂無心所遇安去年行萬里蜀路走千盤

投老身彌健登山意未闌西遊為櫻笋東道盡鷄

鸞杖屨攜兒去圍亭借客看折花斑竹寺弄水石

樓灘

續石樓在河南龍門伊水中

驚馬衰憐白

厚白居易致仕洛中既老又病風於是欲去經費之冗長者將

驚其駱馬馬驚雷怯笑韓援韓愈與盧仝樊宗師同謁少室山人李渤題名刻於天封宮石柱上記龍潭

悲鳴復留之遇雷事宮即唐嵩陽觀堯卿退之題名云元和四年三月二十六日余與著作佐郎樊宗師處士盧仝同自洛中至少室謁拾遺公李渤宗師次玉泉

寺疾作歸明日遂與渤仝道士韋濛僧惠榮並少室而東抵衆寺上太室中峰宿封禪壇下石室遂自龍潭寺下釣龍潭水遇雷明日觀落母石入此

觀與道士趙元遇乃歸此乃唐嵩陽觀所題也薛書標洞府歐陽永叔嘗遊嵩山日莫於絕巒上見苔薛成文云神清之洞

明日復尋不見堯卿曰按潁陽石唐山峰特峙勢雄秀獨支徑通絕頂有石室邢和璞算心處治平中許昌齡者安世之諸父也蚤得神仙術杖策

來居天下傾焉後遊太清宮時歐陽文忠公守亳社公生平不喜佛老聞之要致郡舍與語豁然有悟贈之詩曰綠髮青瞳瘦骨輕飄然乘鶴去吹

笙郡齋獨坐風生竹疑是孫登長嘯聲公集中有贈許道人及石唐山隱者皆昌齡也一日公問道許告以公屋宅已壞難復語此但明了前境猶庶

幾焉且道昔遊嵩見神清洞事公默有所契語秘不敢傳後公歸汝陰臨薨以詩寄之曰石唐仙室紫雲深潁陽真人此算心真人已去升寥廓歲

清之洞鑠樓臺雲深路絕無人到鸞鶴今應待我來事出蔡條西清詩話

松蓋偃天壇試與劉夫子重尋靖長官劉凡云曾見人嵩山幽絕處眼光如貓意其為靖長官也師靖長官唐末五代之人得道不死云

次韻景仁留別

公老我亦衰相見恨不數臨行一杯酒此意重山

岳歌詞白紵清琴弄黃鍾濁續鄒忌言琴曰大絃濁以春温者君也聲中於宮宮為君五聲

之本生於黃鍾琴有黃鍾調詩新眇難和飲少僅可學欲參兵部選

有力誰如犖次公朝野僉載云崔湜為吏部侍郎掌銓有選人白湜曰某能翹關負米湜笑曰若壯何不求選兵部答曰外

議謂崔侍郎下有氣力者即得選且作東諸侯山城雄鼓角

南遊許過我不憚千里邈援呂安與嵇康每會當聞公

來倒屣髮三握一相思千里命駕

送魯元翰少卿知衛州

冗士無處著寄身范公園俚子由文集載子瞻兄始與元翰皆倅杭州及自彭城還止都門寓

居范景仁東園桃花忽成陰薺麥秀已繁閉門春晝永

元翰時相過

唯有黃蜂喧誰人肯攜酒共醉榆柳邨穎卿獨何

者一月三到門我不往拜之穎來意彌敦次公魯元翰有髭穎

故以穎稱之如諸葛亮與關羽書曰孟起一世之傑黥彭之徒當與翼德並驅爭先猶未若穎之絕倫逸羣也堂堂元老後

豐豐仁人言厚謝安弱冠詣王濛清言良久乃去濛子脩曰向客何

子敦謂衍曰阮宣子可與言行曰吾亦聞之但未知其豐豐之處憶在錢塘歲情好均弟昆

時於冰雪中笑語作春温欲飲徑相覓夜開叢竹

軒搜尋到篋笥鮓醢無復存每愧煙火中玉腕親

炮燔任小說載詩云吹火紅脣動擅薪玉腕斜遙別來今幾何

相對如夢魂告我當北渡新詩侑清尊坡陀大行

麓洶湧黃河翻仕宦非不遇王畿西北垣斯民如

魚耳見網則驚奔皎皎千丈清不如尺水渾刑政

雖首務念當養其源一聞袴襦音續後漢廉范人歌之曰廉叔度來何莫昔無襦

今五盜賊安足論

次韻子由送蔣夔赴代州學官

功利爭先變法初典刑獨守老成餘續詩雖無老成人尚有典刑窮

人未信詩能爾厚歐陽永叔云非詩能窮人殆窮者而後工也倚市懸知繡不如

爬梳次公晉王濟嘗語王湛見牀頭周易歸來問雁吾何敢疾世王符解

著書續王符隱居著書三十篇以譏當世得失號曰潜夫論皇甫規解官歸安定人有以貨得雁門太守者亦去職還家書刺謁規臥

不迎既入而問卿在郡食雁美乎頃又曰王符在門規素聞符名乃驚遽而起衣不及帶屣履迎門援符手而還與同坐極歡時人為之語曰徒見

二千石不如一逢掖言書生道義之貴也

送顏復兼寄王鞏堯卿復字長道鞏字定國

彭城居官冷如水誰從我遊顏氏子我居且病君亦窮衰窮相守正其理胡為一朝捨我去輕衫觸熱行千里問君無乃求之歟答我不然聊爾耳厚

阮咸曰未能免俗聊復爾耳

京師萬事日日新

師劉禹錫詩不改南山色其餘事事新

故人如

故今有幾君知牛行相君宅扣門但覓王居士師謂王鞏

也清詩艸聖俱入妙

師衛恒傳張伯英下筆必為楷則至今尤寶其書謂之艸聖

別後寄

我書連紙苦恨相思不相見約我重陽嗅霜藥君歸可喚與俱來未應指日方進擬太一老仙閒不

出

張安道為太一宮使

踵門問道今時矣因行過我路幾何願

君推挽加鞭箠吾儕一醉豈易得買羊酤酒從今

始

續退之詩買羊酤酒謝不敏

初別子由

我少知子由天資和而清好學老益堅表裏漸融

明豈獨為吾弟要是賢友生

次公在先生與子由當如此矣子由為先生畫贊亦云人曰吾

兄我曰吾師

不見六七年微言誰與賡常恐坦率性

德宋濟老於場

屋嘗試誤落官韻撫膺曰宋五坦率矣名甚著盧氏雜說云唐德宗夏中微行西明寺宋濟葛巾抄書上曰茶請一碗濟曰鼎水方煎此有茶末可

自撥之上又曰作何事業是何姓名濟曰姓宋第五應進士舉須臾聞呼官家濟惶懼上曰宋五坦率後聞禮部放榜上令探濟無名上曰宋五又坦率

矣放縱不自程會合亦何事無言對空枰使人之意消

意消

續莊子温伯雪子正容以悟物使人之意也消

不善無由萌森然有六女包

裏布與荆無憂賴賢婦藜藿等大烹使子得行意

青衫陋公卿明日無晨炊倒牀作雷鳴

次公退之石鼎聯句序云道士

倚牆睡鼻息如雷鳴

秋眠我東閣夜聽風雨聲

見與子由別於鄭州西門外詩懸知

不久別妙理重細評昨日忽出門孤州轉西城歸
來北堂上古屋空崢嶸退食悞相從入門中自驚
南都信繇會人事水火爭次公南都則南京也時子由從張文定簽書南京判為此別也師退

細事文章固虛名會須掃白髮不復用黃精師杜詩掃除白髮黃精在君看他時冰雪容

臺頭寺雨中送李邦直赴史館分韻得憶

字人字兼寄孫巨源二首

霜林日夜西風急老送君歸百憂集清歌窈渺入
行雲雲為不行天為泣師五行志無雲而雨為雨泣紅葉黃花秋正
亂白魚紫蟹君須憶憑君說向穎將軍師孫權為張遼所敗遼問降人

向有紫穎將軍為誰曰孫會稽衰鬢相逢應不識堯卿劉夷父詩相逢應不識人思我雖未忘見我今應不能識

珥筆西歸近紫宸師魏略曰殿中侍御史簪白筆側階而立上問曰此何官也辛毗曰御史簪筆書過上帝

太平典冊不緣麟師杜預左傳序孔子絕筆於獲麟付君此

事寧論晉厚晉陳壽撰三國志時人稱其有良史之才張華謂壽曰當以晉書相付載我當時舊

過秦續賈誼作過秦論司馬遷取之以贊項羽班固因之次公按詩案熙寧十年九月內李清臣差知國史軾作詩送清臣云付君此事

寧論晉載我當時舊過秦軾於宋仁宗朝曾進論往古得失軾妄以賈誼自比意欲李清臣於國史中載軾所進論

門外想無千斛米厚晉陳壽傳丁儀丁廙有盛名於魏陳壽謂其子曰可覓千斛米當為尊公作佳傳子不與竟不作傳墓中

知有百年人續漢末有發前漢宮人家者宮人猶活問漢時宮中事說之皆了了有次序又發范明友奴家家奴亦三百五

十餘年矣說霍光廢立之際多與漢書相應者次公廣記載鄭郊謁友人於陳蔡路逢一冢有竹二竿鄭為詩曰冢上兩竿竹風吹常裊裊冢中人賡之曰下有百年人長眠不知曉先生之意言必不如陳壽之希求當念墓中之人而發其潛光也

鏡休把春秋坐素臣

續韓愈謂自古作史不有天禍必有人刑左丘明紀春秋時事以失明厚杜預序左

氏言仲尼素王丘明素臣

送李公恕赴闕

君才有如切玉刀

續周穆王征西戎西戎獻昆吾之劍長尺有咫鍊網赤刀切玉如泥援漢武故事於建章別造

華殿四夷珍寶充之火浣布切玉刀不可勝數

見之凜凜寒生毛願隨壯士斬蛟

蜃

續荆飲飛澹臺滅明周處鄧遐許旌陽皆古斬蛟者次公王粲刀銘曰陸剗犀兕水截鯨鯢則言用刀無害

不願腰間

纏錦條

次公杜甫大食寶刀詩云蒼水使者捫赤條

用違其才志不展

次公晉殷浩傳桓温

每輕浩嘗謂郗超曰浩有德有言向使作令僕足以儀刑百揆朝廷用違其才耳師唐房瑄贊曰用違所長

坐與胥吏同

疲勞忽然眉上有黃氣

厚退之詩城上赤雲呈勝氣眉間黃色見歸期

吾君漸欲

收英髦立談左右皆動色一語徑破千言牢

續退之准西碑

萬口附和并為一談牢不可破

我頃分符在東武

次公漢文帝為竹使符與太守分之東武密州也

脫

略萬事唯嬉遨

次公江淹恨賦云脫略公卿跌宕文史師後漢馬援為隴西太守諸曹時白事援曰此丞掾之職何

足相煩頗衰老子使得遊遨

盡壞屏障通內外

援晉阮籍傳文帝輔政籍嘗從容言於帝曰籍曾遊東平樂其

風土帝大悅即拜東平相籍乘驢到郡壞府舍屏障內外相望法令清簡旬日而還

仍呼騎曹為馬曹

續晉

王徽之為桓冲騎兵參軍冲問卿署何曹對曰似是馬曹又問管幾馬曰不知馬何由知數又問馬比死多少曰未知生焉知死

君為

使者見不問反更對飲持雙螯

次公對飲借用曹參傳相舍後園近吏舍吏舍日飲

歌呼從吏患之乃請參遊後園幸相國召按之乃反取酒張坐飲大歌呼與相和厚晉畢卓嘗謂人曰得酒滿數百斛船四時美味置兩頭右手持酒杯左手持蟹螯拍浮酒船中便足了一生矣

酒酣箕坐語驚衆

師前漢張耳傳高祖箕踞罵詈甚慢之顏師古

注箕踞者謂曲兩脚其形如箕

雜以嘲諷窮詩騷

次公柳子厚寄韋瑜詩君今矻矻又竄逐詞賦已復窮詩騷

世上小兒多忌諱獨能容我真賢豪為我買田臨

汝水逝將歸去誅蓬蒿安能終老塵土下俯仰隨

人如桔槔

續莊子子不見桔槔者乎引之則俯捨之則仰

送鄭戶曹

〔堯卿〕名僅字彥能赴大名府戶曹

遊遍錢塘湖上山歸來文字帶芳鮮羸童瘦馬從

吾飲陋巷何人似子賢公業有田常乏食

〔續〕後漢鄭太字公業

交結豪傑家富於財有田四十頃而食常不足

廣文好客竟無羶

〔厚〕廣文鄭虔也為廣文館博士杜甫與虔詩云

才名四十年坐客寒無羶

東君不趁花時節開盡春風誰與妍

送孔郎中赴陝郊

驚風擊面黃沙走西出嶠函脫塵垢

〔續〕言二嶠與函關也二嶠山在河南

永寧縣函谷關在新安縣〔任〕杜子美詩云疾風吹塵暗河縣行子隔手不相見此正陝州詩也

使君來自古徐州

堯卿古有南徐北徐南徐潤州北徐彭城時自彭城而往故云古徐

聲震河潼殷關右

〔厚〕潼關在華州華陰

縣河水自龍門南流激華山而東故名潼關函谷在靈寶二關相為首尾

十里長亭聞鼓角一川秀

色明花柳北臨飛檻卷黃流南望青山如峴首

〔師〕峴首山

在襄州襄陽縣陝州去郡二十里有山亦名峴以其狀類峴首故得名

東風吹開錦繡谷

〔子仁〕谷名也按先生

菩薩泉銘云廬山有金像會昌中詔毀佛寺寺僧藏像錦繡谷云

淶水翻動蒲萄酒

〔續〕李白詩遙看漢水

鴨頭綠恰似蒲萄初撥醅

訟庭生艸數開尊過客如雲牢閉口

〔俚〕退之與

李實書曰接過客俗子絕口不挂時事務為崇深以拒止嫉妬之口

送李公擇

嗟余寡兄弟四海一子由故人雖云多出處不我

謀弓車無停侶

〔續〕左氏載逸詩翹翹車乘招我以弓

逝去勢莫留僅存今

幾人各在天一取有如長庚月到曉爛不收

〔厚〕李白獨酌有

懷詩孤月滄波河漢清北斗錯落長庚明〔援〕退之詩東方未明大星沒獨有太白配殘月〔次公〕太白一名長庚此方有長庚月之義如李注所引雖顯得長庚字而無相配之義矣

宜我與夫子相與手足侔比年兩見之

賓主更獻酬樂哉十日飲

〔子仁〕史記秦昭王遺平原君書寡人聞君之高義願與君為布衣之

交君幸過寡人寡人 衍衍和不流續柳子厚序飲曰捨百拜而禮無叫號而極不袒裼而達非金石而和去糾逖而密簡而同肆而恭衍衍而從容於以合山水之樂成君子之心 論事到深夜僵仆鈴

與騶厚鈴守鈴閣者騶廐御者 頗嘗見使君有客如此不續謝安為桓温甚喜言平生歡笑竟日温顧左右曰頗嘗見我有如此客不 欲別不忍言慘慘集百憂念

我野夫兄堯卿公擇兄名莘字野夫 知名三十秋已得其為人 不待

風馬牛他年林下見傾蓋如白頭厚前漢鄒陽云白頭如新傾蓋如故

和子由送將官梁左藏仲通

雨足誰言春麥短城堅不怕秋濤卷日長惟有睡

相宜師歐陽永叔詩飽食杜門無一事日長唯有睡相宜 半脫紗巾落紈扇芳艸不

鋤當戶長續蜀志先主云芳蘭生門不得不鋤 珍禽獨下無人見覺來身

世都是夢坐久枕痕猶著面城西忽報故人來急

掃風軒炊麥飯徐州所出次公漢書光武云蕪蕪亭豆粥滹沱麥飯 伏波論兵初矍

鑠厚後漢劉尚擊五溪蠻軍沒伏波將軍馬援請行時年六十二帝愍其老未許之援曰臣尚能被甲上馬據鞍顧盼以示可用帝笑曰矍鑠哉是翁 中散談仙更清遠援嵇康仕魏為中散大夫常修養性服食之事彈琴咏詩自足於懷以為神仙稟之

自然非學所得至於導養得理則 南都從事亦學道子仁謂子安期彭祖之壽可及乃著養生論 由也蓋是

時子由從張文定簽書南京判官而先生嘗云余觀子由自少曠達天資近道又得至人養生長年之訣而子由亦嘗云學道三十年今始粗聞道也

不恤腸空誇腦滿續道家云欲得不死腸中無滓欲得不老還精補腦 問羊他日到

京華應許相將遊閭苑黃初平之兄尋其弟於金華山厚黃初平少時牧羊有道士見其良謹將至金

華山四十餘年其兄初起尋得之問曰羊何在初平曰近在山東乃俱往視見白石無數初平叱之白石皆起成羊援閭苑即閭風亦曰玄圃在崑崙之中天帝所居

送胡掾

亂葉和淒雨投空如散絲次公張載雜詩云騰雲似湧煙密雨如散絲 流年一

文蔚堂

蘇東坡詩集卷十五

蘇東坡詩集卷十五

蘇東坡詩集卷十五

蘇東坡詩集卷十五

蘇東坡詩集卷十五

如此遊子去何之節義古所重艱危方自茲他年
著清德仍復畏人知續晉胡威傳父質以忠清著稱威入朝武帝語及平生因歎其父清謂威曰卿孰與父清對曰臣不如也臣父清恐人知臣清恐人不知是臣不及遠也

送將官梁左藏赴莫州

次公莫州文安郡理鄭縣唐開元中以鄭字類鄭改

為莫乃公孫瓚之易京也

燕南垂趙北際其間不合大如礪

續後漢公孫瓚傳童謡曰燕南垂趙北際中央

不合大如礪唯有此中可避世瓚既破劉虞盡有幽州之地自以為易地當之乃徙鎮焉

至今父老哀公孫

烝土為城鐵作門

厚晉載記赫連勃勃以烝土築城錐入一寸即殺築者

城中積穀三

百萬猛士如雲驕不戰一朝鼓角鳴地中

援瓚居高京以鐵為

門積穀三百萬斛希復攻戰袁紹大攻瓚瓚與子續書曰袁氏之攻狀若鬼神梯衝舞吾樓上鼓角鳴於地中

帳下美人空

掩面

續漢圍項羽於垓下羽起飲帳中有美人姓虞氏羽悲歌慷慨美人和之

豈如千騎平時來笑

談聲效生風雷葛巾羽扇紅塵靜

續諸葛亮葛巾羽扇指揮三軍投壺

雅歌清宴開

厚祭遵為將軍取士必用儒術對酒設樂必雅歌投壺

東方健兒虓虎

樣

續詩曰進厥虎臣闕如虓虎

涕泣懷思廉恥將

厚杜詩安得廉恥將三軍同晏眠次公東方健兒則

梁左藏所替罷處故懷思之也

彭城老守亦悽然不見君家雪兒唱

援李

密有寵姬名雪兒每賓客有新製必令雪兒歌之

又送鄭戶曹

水遶彭祖樓山圍戲馬臺

次公徐州彭城縣以彭祖而得名按寰宇記殷之賢臣彭祖顯帝之

孫至殷末壽七百六十七歲今基存此故邑號大彭戲馬臺項羽所築宋武建第舍重九日引賓客登臺賦詩

古來豪傑地

千歲有餘哀隆準飛上天

續高祖隆準龍顏豐邑人也

重瞳亦成灰

厚項羽目重瞳子羽都彭城

白門下呂布

續曹操擊布至下邳城布與麾下登白門樓兵圍之急乃下降操師下邳城南

門謂之白門樓大星殞臨淮

厚臨淮王李光弼鎮徐州廣德二年有大星殞其地而光弼卒

尚想劉德

輿置酒此徘徊

次公劉德輿即宋武帝字也見上注

邇來苦寂莫廢圃多

蒼苔河從百步響

師即百步洪也

山到九里回

堯卿九里山也

山水自

相激夜聲轉風雷

子仁韋應物詩水性本亦靜石中固無聲如何兩相激雷轉空山鳴

蕩蕩清

河壩黃樓我所開

子仁按子由黃樓賦序云熙寧十年秋河決澶淵水及彭城下子瞻適為彭城守盧于城上調

急夫發禁卒以從事以身臨之故水大至而民不潰於是即城之東門為大樓焉堊以黃土曰土實勝水徐人相勸成之即此也

秋月

墮城角春風搖酒杯遲君為坐客新詩出瓊瑰

續劉

禹錫詩每逢詞客饋瓊瑰

樓成君已去人事固多乖

他年君倦游白首賦歸來登樓一長嘯

次公劉琨在晉陽為胡騎所圍琨乃乘月登樓長嘯賊聞之悽然棄圍而走

使君安在哉

送頓起

客路相逢難為樂常不足臨行挽衫袖更賞折殘

菊佳人亦何念悽斷陽關曲

師唐何遜善唱渭城即陽關曲也酒闌不

忍去共接一寸燭留君終無窮歸駕不免促岱宗

已在眼

次公在眼字謝靈運詩想見山阿人薜蘿若在眼一往繼前躅天門四十里

厚泰山東上四里至天門夜看扶桑浴

續漢官儀泰山東南名曰觀見日始出長三丈所淮南子曰日出暘谷拂於扶桑浴於咸池師東方朔十洲記云扶桑在碧海中葉似桑樹長數千丈大二十圍兩兩同根更相依傍是名扶桑回頭望彭

城大海浮一粟故人在其下塵土相逐蹴惟有黃

樓詩千古配淇澳

頓有詩記黃樓本末

次韻子由送趙屺歸覲錢塘遂赴永嘉

次公

歸舟轉河曲稍見楚山蒼候吏來迎客吳音已帶

鄉言從謝康樂

續謝靈運罷封康樂公嘗為永嘉太守先獻魯靈光

厚後漢王延壽

父逸欲作靈光殿賦命延壽往錄其狀延壽因韻之以簡其父父曰吾無以加也殿即漢魯共王所建已擊三千里援莊

子鵬徙於南溟也水擊三千里何須四十強續禮四十曰強而仕風流半刺史續庾亮與郭游

郡詩成集尋谿水濺裳芒屨隨採藥厚校書郎隸秘書省最為仕林清選到

記流觴援義之蘭亭序以蠶紙寫記流觴曲水海靜蛟鼉出山空艸木長宦

遊無遠近民事要更嘗願子傳家法他年請尚方

續漢朱雲上書請尚方斬馬劍斷佞臣一人以厲其餘上問誰對曰安昌侯張禹

送孫勉

昔年罷東武曾過北海縣次公東武密州也先生前守密北海縣在後漢為北海國有菑川高

密膠東三國以其縣屬則乃密州一帶矣

白河翻雪浪黃土如蒸麵桑麻冠東

方一熟天下賤是時累饑饉常苦盜賊變每憐追

胥官野宿風裂面君為淮南秀文采照金殿君常考中進士

第胡為事奔走投筆腰羽箭續後漢班超為官傭書嘗輟業投筆歎曰大丈夫無他志略猶

當效傳介子張騫立功異域以取封侯安能久事筆硯間乎杜詩猛將腰間大羽箭

督戰其兄莘老以詩寄之皆言戰事親程三郡士堯卿時考試三郡士子玉石不能銜

次公揚子云銜玉而賈石不能欺也欲知君得人失者亦稱善君才無不

可要欲經百鍊次公劉琨云何意百鍊剛化為繞指柔堯卿崔豹古今注曰百鍊吳大帝刀名吾詩堪

咀嚼聊送別酒噉

送參寥師

上人學苦空百念已灰冷劍頭惟一吷次公莊子道仁義於戴晉人之

前猶劍首之一吷焦穀無新穎續維摩經言如焦谷牙如石女貌胡為逐吾輩文

字爭蔚炳續揚子君子豹變其文蔚也大人虎變其文炳也新詩如玉雪出語便

文蔚堂

清警退之論艸書萬事未嘗屏憂愁不平氣一寓
筆所騁頗怪浮屠人視身如丘井續維摩經云是身如丘井為老所逼厚白樂天

詩云身老同丘井心空是道場頽然寄澹泊誰與發豪猛次公自退之論艸書而下至此蓋退

之送高閑上人序云往時張旭善艸書不治他技喜怒窮窘憂悲愉懌怨恨思慕酣醉無聊不平有動於心必於艸書發之故旭之書變動猶鬼神不可端倪以此終其身而名後世今聞之於艸書有旭之心哉細思乃不然真巧非幻影欲

令詩語妙無厭空且靜靜故了羣動空故納萬境

閱世走人間觀身臥雲嶺次公自細思乃不然而下則又具言浮屠人善幻也欲高退之不取

淡泊之意矣鹹酸雜衆好次公柳子厚報崔黯書吾嘗見病心腹人有思啗土炭嗜酸鹹者不得則大憾中有

至味永詩法不相妨此語更當請

次顏長道韻送傅倅

兩見黃花掃落英次公楚詞夕飡秋菊之落英南山山寺遍題名宗

成不獨依岑范見趙郎中見和戲復答之詩注魯衛終當似弟兄子仁漢史曰大

馮君小馮君兄弟繼踵相因循政如魯衛德化均去歲雲濤浮汴泗與君泥土滿

衣纓如今別酒休辭醉試聽雙洪落後聲子仁雙洪蓋徐州二

水也先生徐州鹿鳴燕賦詩叙云俯聽洪之號怒即此也

臺頭寺送宋希元

相從傾蓋只今年續孔子之剡遇程子於途傾蓋而語送別南臺便黯然

此夜更歌金縷曲續李錡妾杜秋娘常為錡唱詞云勸君莫惜金縷衣他年莫忘角

弓篇是日與宋君同栽松寺中厚左傳韓宣子聘魯韓子賦角弓宴於季氏有嘉樹焉宣子譽之武子曰宿敢不封植此樹以無忘角弓

任杜詩更尋嘉樹傳不忘角弓詩三年不顧東鄰女取宋玉援宋玉言臣里之美者莫若東家之子然此

女登牆窺臣三年至今未許也二頃方求負郭田任蘇秦既約六國從親為從約長相六國曰使我有負郭田二

頃豈能佩六國相印乎我欲歸休君未可茂先方議斲龍泉厚晉張華字茂先

先與雷煥登樓共尋天文煥曰牛斗之間有異氣是寶劍之精上徹於天耳在豫章鄴城即補煥為鄴城令煥到縣掘獄屋基得一石函函中有雙劍並刻題一曰龍泉二曰太阿

送蜀人張師厚赴殿試二首

忘歸不覺鬢毛斑好事鄉人尚往還斷嶺不遮西

望眼退之詩為遮西望眼終是懶回頭送君直過楚王山次公項羽都於徐州自號西楚霸王故此有楚王山

雲龍山下試春衣放鶴亭前送落暉次公雲龍山人居也有放鶴亭先生

有記一色杏花三十里新郎君去馬如飛次公杏花三十里則徐州往趨

京之路有如此者新及第者謂之新郎君則送其赴殿試遂可

送劉寺丞赴餘姚

中和堂後石楠樹與君對牀聽夜雨次公夜雨對牀事見與子由別於鄭

州詩注中和堂在杭州先生為倅日監秋試意者劉寺丞為試官也玉笙哀怨不逢人但見香

煙橫碧縷謳吟思歸出無計坐想蟋蟀空房語明

朝開鎖放觀潮次公先生監試杭州時以八月十六日放榜故云開鎖放觀潮見前監試呈諸試官又催試官考較戲

者可致豪氣正與潮爭怒銀山動地君不看獨愛清

香生雲霧別來聚散如宿昔城郭空存鶴飛去續

我老人間萬事休君亦洗心從佛

祖手香新寫法界觀次公法界觀杜順和尚所著者眼淨不覩登伽女

厚楞嚴經阿難因乞食遭摩登伽女引入淫室餘姚古縣亦何有龍井白泉甘勝

乳千金買斷顧渚春似與越人降日注續顧渚在湖州日注在越州並

進州茶其品甚貴

送孫著作赴考城兼寄錢醇父李邦直二君於孫處有書見及

城次公考城古戴國也蔡丘黃池皆考城地今地志隸東京云曹州割也

使君閒如雲欲出誰肯伴清風獨無事一嘯亦可

喚仔趙昞云長嘯呼風亂流而濟來從白蘋洲續白蘋洲在湖州因梁柳惲為吳興太守賦詩於此因以名洲共父

吳興統記云白蘋洲在茗溪東南一里吹我明月觀厚明月觀在江寧府故臺城門前遠行客

青衫流白汗問子何忽忽王事不可緩故人錢與

李清廟兩圭瓚次公書云相嘗圭瓚蔚為萬乘器次公鄒陽云蟠木輪困而為萬乘器

者以左右為之先容也尚記溝中斷續莊子百年之木破為犧尊青黃而文之其斷在溝中子亦東

南珍價重不可算次公杜詩價重百車渠別情何以慰酒盡對空

案惟持一榻涼勸子巾少岸北風那復有塵土飛

灰炭欲寄二大夫發發不可絆厚借用詩飄風發發

送淵師歸徑山

我昔嘗為徑山客至今詩筆餘山色師住此山三

十年妙語應須得山骨谿城六月水雲蒸飛蚤猛

捷如花鷹羨師方丈冰雪冷蘭膏不動長明燈山

中故人知我至爭來問訊今何似為言百事不如

人兩眼猶能書細字徑山下無蚤余舊詩云問龍乞水歸洗眼欲看細字銷殘年

送表忠觀道士歸杭

次公先生表忠觀碑載趙抃知杭州言故吳越國王錢氏墳廟在錢塘臨安者皆蕪廢不治請以妙因院為觀使錢氏之孫為道士曰自然者居之以守其墳廟詔許之改妙因為表忠觀性之按杭州圖經云表忠觀在城南龍山一十五里熙寧十年賜今額

先王舊德在民心著令稱忠上意深

制詔御史長沙王忠其定著令隋淚行看會祠下厚晉羊祜傳襄陽百姓於峴山祜平生游憩之所建碑立廟歲時饗祭焉望其碑者莫不流涕杜預因名墮淚碑挂名爭欲刻碑陰續表忠碑公書其事次公退之文云

得挂名於淒涼破屋塵凝座憔悴雲孫雪滿簪次公此指言錢

經端也

道士矣爾雅子之子為孫孫之子為曾孫曾孫之子為玄孫玄孫之子為來孫來孫之子為暋孫暋孫之子為仍孫仍孫之子為雲孫注云輕遠如浮雲也
未信諸豪容郭解却從他縣施千金援史記郭解傳洛陽人有相仇者邑中賢豪居間以十數終不聽客迺見解解夜見仇家仇家曲聽解謂仇家吾聞雒陽諸公在此間多不聽今子幸而聽解言奈何從他縣奪人邑賢大夫權乎乃夜去

送俞節推尚之子尚字退翁

吳興有君子澹如朱絲琴一唱三歎息至今有遺音續禮記清廟之瑟朱絃而疏越一倡而三歎息有遺音者矣嗟予與夫子相避如辰參退翁官於蜀余在京師余歸而退翁去及余官於吳興則退翁亡矣次公揚子曰吾不覩參辰之相比也猶喜見諸郎窈然清且深異時多良士末路喪初心我生不有命其肯枉尺尋

伯父送先人下第歸蜀詩云人稀野店休

安枕路入靈關穩跨驢安節將去為誦此句因以為韻作小詩十四首送之

索漠齊安郡從來著放臣次公齊安即黃州也著放臣則在唐如杜牧之在本朝如王元之也

如何風雪裏更送獨歸人
瘦骨寒將斷衰顙摘更稀未甘為死別猶恐得生歸

日上氣暎江雪晴光炫野記取到家時鋤耰吾正把

月明穿破裘霜氣澀孤劍歸來閉戶坐默數來時店次公退之詩依依夢歸路歷歷想行店

諸兄無可寄一語會須酬晚歲俱黃髮相看萬事

休

次公柳子厚答劉夢得別詩云耦耕若便遺身世黃髮相看萬事休

故人如念我為說瘦樂樂

次公詩棘人樂樂

尚有身為患已

無心可安

吾兄喜酒人今汝亦能飲一杯歸誦此萬事邯鄲

枕

續太平廣記有客遇呂仙翁自言久不得意仙翁以一枕與之客就枕即夢入枕中仕宦數十年甚愜意及覺所炊黃梁猶未熟

東阡在何許寒食江頭路哀哉魏城君宿艸荒新

墓

次公魏城君乃先生之配王氏也禮云朋友之墓有宿艸而不哭焉伯恭按年譜至和元年甲午先生年十九歲始娶青城王方女後封通義郡

君先生作王氏墓誌云生十九年而歸於軾至治平二年卒年二十有七

臨分亦泫然不為窮途泣東阡時一到莫遣牛羊

入

我夢隨汝去東阡松柏青却入西州門

援晉謝安傳羊曇為安所愛重

安薨後輟樂彌年行不由西州路嘗因石頭大醉扶路唱樂不覺至州門左右白曰此西州門曇悲感不已以馬策扣扉誦曹子建詩云生存華屋處零落歸山丘

因痛哭而去

永愧北山靈

次公蕭子顯齊書鍾山在會稽郡北周彥倫隱於此山後應詔出為海鹽令欲

過此山孔稚圭乃假山靈之意移之使不得至故云北山移文其辭曰鍾山之英州堂之靈云云

乞墦何足羨負米可忘艱

續家語子路為親負米於百里之外

莫為無車

馬含羞入劔關

厚成都之北有昇仙橋司馬相如嘗題其柱云大丈夫不乘駟馬高車不復過此橋

我坐名過實

子仁崔援座右銘云無使名過實守愚聖所藏

謹譁自招損汝幸無

人知莫厭家山穩

竹筍與練裙隨時畢婚嫁

次公後漢逸民傳戴良有五女練裳布被竹筍木履而遣之畢婚嫁

則向子平事也又退之詩如今便可爾何用畢婚嫁

無事若相思征鞍還一跨

萬里却來日一菴仍獨居應笑謀生拙團團如磨

驢

次公先生又有詩云團團如磨牛步步蹋陳跡

送沈遠赴廣南

嗟我與君皆丙子四十九年窮不死不伐按年譜先生四十九歲正元豐

七年在黃州三月量移汝州君隨幕府戰西羌夜渡冰河斫雲壘飛

塵漲天箭灑甲歸對妻孥真夢耳師杜甫自賊中脫歸詩云夜闌更秉燭相對如

夢寐我謫黃岡四五年敦謨按年譜先生以元豐二年謫黃州至此凡五年孤舟出沒

煙波裏故人不復通問訊疾病饑寒疑死矣相逢

握手一大笑白髮蒼顏略相似我方北渡脫重江

君復南行輕萬里功名如幻何足計學道有涯真

可喜岫嶁丹砂已付君厚晉葛洪傳以老年欲鍊丹以祈遐壽聞交趾出丹求為勾漏令帝以洪資高

不許洪曰非欲為榮以有丹耳帝從之洪遂將子姪俱行至廣州刺史鄧嶽留不聽去洪乃止羅浮山鍊丹汝陽甕盜君

何恥次公汝陽汝州甕盜以言其瘦之狀也先生別黃州詩曰君歸關領先裁蓋瘦衣是已子仁莊子云其脰肩肩甕盜大瘦

赴我雞黍約買田築室從今始

送楊傑

并序堯卿元祐二年高麗僧義天航海間道至明州傳云義天棄王位出家上疏乞徧歷叢林問法受道有詔朝奉郎楊傑次公館伴所至吳中諸刹皆迎餞如王臣禮至金山僧了元乃牀坐受其大展次公驚問其故了元曰義天亦異國僧耳叢林規繩如是不可易朝廷聞之以了元知大體

無為子嘗奉使登太山絕頂雞一鳴見日出又嘗

以事過華山重九日飲酒蓮華峰上今乃奉詔與

高麗僧統游錢塘皆以王事而從方外之樂善哉

未曾有也作是詩以送之

天門夜上賓出日

次公太山記云太山盤道屈曲而上凡五十餘盤經小天門大天門仰視天門如穴中視天窗

矣自下至古封禪處凡四十里山頂西崑為仙人石閣東崑為介丘東南崑名曰觀者雞一鳴時見日始欲出長三丈所萬里紅

波半天赤歸來平地看跳丸一點黃金鑄秋橘太

華峰頭作重九天風吹灩黃花酒浩歌馳下腰帶

鞞續腰帶鞞鞞山地名也醉舞崩崖一揮手神游八極萬緣虛

大千一息八十返笑厲東海騎鯨魚次公詩云深則厲淺則揭厲言涉之下視螭雷隱汗渠

也爾雅絲帶厚李白大鵬賦序云余昔於江陵見天台司馬子微謂余有仙風道骨可與神游八極之表三韓王子西求法續東國名曰韓韓有三種曰馬韓曰辰韓曰弁韓皆高麗也鑿

齒彌天兩勍敵厚晉書釋道安與習鑿齒相見鑿齒曰四海習鑿齒道安曰彌天釋道安人以爲名對過

江風急浪如山寄語舟人好看客續撫言載唐令狐楚鎮揚州處士張佑常與狎

宴楚視佑改令曰上水船風又急帆下人須好立佑應聲曰下水船船底破好看客莫倚柁

送穆越州

江海相忘十五年羨公松柏蔚蒼顏四朝耆舊冰

霜後次公穆越州名珣字東美而詩云四朝耆舊者豈以其嘗歷仕四朝故邪兩郡風流水石間

次公兩郡蓋言其前在蜀中作郡今又爲越州太守所領州前後皆山水郡也舊政猶傳蜀父老先聲

已振越溪山尊前俱是蓬萊守次公蓬萊守蓋穆既守越而先生將守登越謂之蓬萊者元微之守越以州宅誇白樂天詩云我是玉皇香案吏謫居猶得在蓬萊今越州有蓬萊閣及以酒名也登州有萊山倚郭乃蓬萊縣故越登皆可稱蓬萊守莫放高樓雪月閒

送范純粹守慶州

堯卿文正公幼子字德儒

才大古難用論高常近迂君看趙魏老乃爲滕大

夫浮雲無根蒂潢潦能須臾知經幾成敗得見真

賢愚羽旄照城闕談笑安邊隅當年老使君次公老使君則

純粹之父仲淹也赤手降於菟次公楚人謂虎爲於菟見左傳諸郎更何事折筮

鞭其雛厚後漢鄧禹傳帝徵禹還勅曰赤眉無穀自當來東吾折筮筮之非諸將憂也吾知鄧平叔

不鬪月支胡續後漢鄧訓字平叔爲護羌校尉先是小月氏胡分居塞內勝兵者二三千騎皆勇健富強每與羌戰常以

少制多漢有時收其用時迷吾子迷唐與武威種羌合兵萬騎來至塞下
欲脅月氏胡訓擁衛稽故令不得戰令開城及所居園門悉驅羣胡妻子
納之嚴兵守衛羌掠無所得諸胡困即解去由是湟中諸胡皆言漢家常
欲鬪我曹今鄧使君待我以恩信開門納我妻子咸歡喜叩頭曰唯使君所命

送戴蒙赴成都玉局觀將老焉

年賈黯榜登第後改名蒙

戴卿蒙本名莊吳興人慶曆六年

拾遺被酒行歌處

續杜甫為右拾遺避亂居成都浣花州堂被酒者為酒所加漢紀高祖被酒夜徑澤中倅

靈帝常令劉寬講經寬常於座被酒睡伏次公行歌字出列子拾穗行歌

桼梅官柳西郊路

厚杜甫詩時出碧雞

坊西郊近州堂市橋官柳細江路桼梅香

聞道華陽版籍中

續昔人論蜀之富曰地稱天府縣號華陽常璩

蜀志謂之華陽國志

至今尚有城南杜

續京兆城南有韋曲杜曲韋杜皆豐盛時人語曰城南韋杜去天尺五杜正倫

為相與城南諸杜昭穆遠求同譜不許銜之諸杜所居號杜固世傳其地有壯氣故世衣冠正倫建言鑿杜固通水以利人既鑿川流如血自是城南諸杜稍不振

我欲歸尋萬里橋

援成都有萬里橋者諸葛亮送吳使者至此曰萬里之行從此始矣

花風葉莫蕭蕭芋魁徑尺誰能盡

次公漢書時有謠歌曰飯我豆食羹芋魁蓋言

芋之大者華陽國志曰汶山郡有大芋如蹲鴟故杜詩云我戀岷下芋

檜木三年已足燒

厚杜詩飽聞檜木三

年大與致溪邊十畝陰

百歲風狂定何有羨君今作峨眉叟縱未

家生執戟郎

厚揚雄成都郫人執戟為郎次公杜甫寄李虢州云今日還株守同年執戟郎

也應世

出埋輪守

援漢順帝遣八使循行風俗餘人受命之部而張綱獨埋其車輪於洛陽都亭曰豺狼當路安問狐狸遂劾奏梁冀

等綱蜀郡犍為人

莫欺老病未歸身玉局他年第幾人

續昔張道陵修

道既成老君降於成都地湧玉局今為觀在平門內堯卿公後果以提舉玉局而終

會待子猷清興發還

須雪夜去尋君

送陳陸知潭州

華清縹緲浮高棟

次公按志載云湯泉宮咸亨二年名溫泉宮天寶六年改為華清宮北向正門曰津陽門東面

曰開陽門西面曰望京門南面曰昭陽門其中有瑤光殿飛霜殿九龍殿宜春亭重明閣芳風閣十八名此所謂浮高棟也

上有纈

林藏石甕

次公福嚴寺在南山半腹石甕谷有懸泉激石或曰似甕形因以谷名為石甕寺鄭愚津陽門詩注云石魚山下有

天然石其形似甕以貯飛泉故玄宗以石甕為之寺名僧於上層飛樓中懸
鞭轆斜引修綆長二百餘丈以及甕泉出於紅樓喬樹之杪此所謂緬林藏
石甕也 一杯此地初識君千巖夜上同飛鞚次公杜詩黃門
飛鞚不動塵

君時年少面如玉一飲百觚嫌未痛次公孔叢子云堯飲
千鍾孔子飲百觚

白鹿泉頭山月出次公按述征記曰長安東則驪山西則白鹿原
而驪山中又有白鹿觀云本驪山觀有老母殿

唐高祖武德六年幸溫泉傍觀川原見白鹿遂改觀名而白鹿泉三
字未見顯載唯華清宮有飲鹿泉又有飲鹿槽不敢指名以俟博聞 寒

光潑眼如流汞師汞水銀也敬夫物類相感云登汞泉在滄州九
視山山出泉闊百步亦云流汞渠雖泛金石終不

沈故州人以瓦鐵為船舫 朝元閣上酒醒時次公志云天寶七年玄宗皇帝
見於朝元閣即改名降聖閣 臥

聽風鑾鳴鐵鳳厚陸倕石闕銘蒼龍玄武之制銅雀鐵鳳之工次公
鐵鳳蓋施雀鳳於屋脊上者薛綜西京賦注云員

關上作鐵鳳皇令張兩翼舉頭敷尾故老杜贊公房詩曰鐵鳳森翱翔又
贈崔評事詩曰陰沈鐵鳳闕風鑾和鑾之鑾也以其在風中故謂之風鑾

舊游空在人何處二十三年真一夢我得生還雪顏

滿君亦老嫌金帶重師杜祁相詩老嫌金
帶重瘦覺玉堂寒 有如社燕與

秋鴻相逢未穩還相送洞庭青艸渺無際續洞庭青
艸二湖名

相連接乃往潭州之所經也 天柱紫蓋森欲動厚退之謁衡岳廟詩紫蓋連延
接天柱石廩騰擲堆祝融森然

魄動下馬拜松柏一徑趨靈宮師衡山有天柱紫蓋峰 湖南萬古一長嗟次公杜詩湖南清
絕地萬古一長嗟 付

與騷人發嘲弄

用前韻答西掖諸公見和

雙猊蟠礎龍纏棟師梅聖俞和人紫宸早朝詩耿耿
玉宇龍纏棟藹藹金爐獸齧環 金井輓

轡鳴曉甕厚李賀詩云輓
轡伊亞轉鳴玉 小殿垂簾白玉鈞大宛立仗

朱絲鞞續大宛國有善馬漢武帝嘗遣使求之唐李林甫謂諫官
曰君不見立仗馬乎不鳴日飲三品芻豆一鳴則斥之矣 風

馭賓天雲雨隔次公列子御風而行又所謂風馬雲車也
賓天以言帝之上仙也此蓋言仙神宗矣 孤臣

忍淚肝腸痛羨君意氣風生座落筆縱橫盤走汞

上尊日日瀉黃封賜茗時時開小鳳閉門憐我老

太玄給札看君賦雲夢厚司馬相如請為游獵之賦上令尚書給筆札金奏不知

江海眩援莊子海鳥止於魯郊魯君奏九夏以樂之鳥乃憂悲眩視木瓜屢費瑤瓊重豈

惟蹇步困追攀已覺侍史疲奔送春還宮柳腰支

活次公杜詩隔戶楊柳弱嬾嬾恰似十五女兒腰水入御溝鱗甲動借君妙語發

春容顧我風琴不成弄

送表弟程六知楚州師程之元德瑞也

炯炯明珠照雙壁當年三老蘇程石里人下道避

鳩杖續漢制仲秋之月年始七十者授之以玉杖杖端以鳩鳥為飾鳩者不噎之鳥欲老人不噎也刺史迎門倒

皂鳥援倒皂鳥倒疑迎也我時與子皆兒童狂走從人覓梨栗

健如黃犢不可恃續杜詩憶昔十五心尚孩健如黃犢走復來隙

過白駒那暇惜醴泉寺古垂橘柚石頭山高暗松

櫟諸孫相逢萬里外一笑未解千憂積子方得郡

古山陽次公山陽言楚州蓋淮陰郡山陽縣也老手風生謝刀筆厚蕭何曹參皆起秦刀筆吏

我正含毫紫微閣次公紫微閣則中書舍人事唐開元初號紫微舍人病眼昏花困

書檄莫教印綬繫餘年去掃墳墓當有日厚唐太宗謂裴寂曰

功成頭白早歸來共藉梨花作寒食今歸掃墳墓尚何辭

送王伯敷守虢

華山東麓秦遺民當時依山來避秦續華山南有川廣袤數百里連山洞

至今風俗不知其深淺人有登蓮華峰見人煙屋舍相望四時常有花木疑是靈仙之窟宅又云秦人避難居此其後裔也至

含古意柔桑綠水招行人行人掉臂不回首爭入

峭函土囊口厚宋玉風賦盛怒於土囊之口惟有使君千里來欲飲三

堂無事酒續虢州三堂唐開元中建呂溫作記言三者明臣子在三之節堂者勵宗室肯構之義厚史記陳軫謂犀首曰公

六百九
何好飲也曰無事也任退三堂本來一事無日長睡起聞

投壺厚後漢祭遵傳遵為將軍取士皆用儒術對酒設樂必雅歌投壺牀頭硯石開雲月澗

底松根斲雪腴援號出月石硯屏并茯苓山棚盜散人安寢次公唐史河南汝號深山

居民團結為盜謂之山棚李師道常衣食而潛部分之欲以作亂於洛城

多置田伊闕陸渾間以舍山棚元和十年大饗邸中殺牛醢酒既衷甲矣

其徒白宮發之留守呂元膺以兵掩禦賊突出轉略幾部勸買耕牛

發陳廩厚龔遂治渤海令民賣劍買牛賣刀買犢歸來只作水衡卿續龔遂自渤海徵還

上以遂年老不任公卿拜為水衡都尉水衡典我欲攜壺就君飲

次韻子由送千之姪

江上松楠深復溪滿山風雨作龍吟年來老榦都

生菌下有孫枝欲出林續凡木皆榦實而未虛唯桐反是琴用孫枝為貴白髮未

成歸隱計青衫儻有濟時心閉門試艸三千牘師前漢東

方朔上公車奏議三千牘側席求人少似今厚漢光武側席幽人求之如不及

用王鞏韻送其姪震知蔡州

九門插天開萬馬先朝屯舉鞭紅塵中相見不得

言夜走清虛宿師王鞏家有清虛堂扣門驚鵲翻君家汾陽家

永巷車雷奔續長安志載郭汾陽宅在親仁里居其里四分之一中

過也夕郎方不夕厚漢故事黃門郎每日莫入對青瑣列戟以

自藩續大官門賜列戟相逢開月閣畫檐低金盆次公杜詩夜闌接軟語落月如

盆至今夢中語猶舉燈前尊阿戎修玉牒援晉阮籍謂王渾之子戎

為阿戎謂渾曰共卿言不如未憚筆削煩君歸助獻納次公班固兩都賦序云朝夕論

思日月獻納坐繼岑與温續岑則岑文本與其兄子長倩也温則大雅與其弟彦博也文本為中書舍

人侍郎令而兄子長倩為兵部侍郎同中書門下平章事大雅為黃門侍郎而彦博為中書舍人侍郎令我客二子間

不復尋諸孫子美詩云權門多噂沓且復尋諸孫續此杜子美示從孫濟詩也

用舊韻送魯元翰知洛州魯少卿也

我在東坡下躬耕三畝園君為尚書郎坐擁百吏

鯨鳴蛙與鼓吹等是俗物喧續南史孔珪門庭之內州萊不翦中有蛙鳴或問之曰欲為陳

十年舊老死三家邨惟君綈袍信到我雀羅門前

宣室厚賈誼為長沙王太傅後歲餘文帝思誼徵之至入見上方受釐坐宣室子翬三輔黃圖云宣室在未央宮殿北未央前殿正室也

白首代堯言相逢問前輩所見多從昆道館雖云

樂次公華嶠後漢書曰學者謂東觀為老氏藏室道家蓬萊冷卿當復温次公冷卿言魯元翰也乃杜詩廣文先生

初因羽淵魄續左傳言堯殛鯀於羽山其神化為黃熊以入於羽淵盡返湘江魂厚屈原

東郡決老守思王尊續前漢王尊遷東郡太守河水盛溢泛浸瓠子金隄老弱奔走恐水大決為害尊躬坐憂

髮方用事白須宜少存嗣聖真生知拯民如救燔援漢制刺史黃

一寸心可敵千步垣流亡自栖止老幼忘崩奔得

閒閉閣坐次公即漢書閉閣臥治也勿使道眼渾聊乘應捨筏續金剛

直泝無生源師佛氏以無生為樂歸來成二老續杜詩

夜榻當重論與子成

桑柘沒故道塵埃翻次公桑柘沒則泛水沒之也塵埃翻則水不循故道而反為平地也知君

如後喻者法尚應捨何況非法

二老來往亦風流

夜榻當重論

夜榻當重論

夜榻當重論

夜榻當重論

夜榻當重論

夜榻當重論

次韻子由送陳侗知陝州

誰能如鐵牛橫身負黃河傳陝州有鐵牛廟今封為順濟王頭在河之南尾在河之北世傳禹

以此鎮河患也滔天不能沒尺筮未易訶世俗自無常徐公

故逶迤次公徐公言徐邈也或問盧欽徐公當武帝之時人以爲通自

等用事員清素之士於時皆變易車服以求名高而徐公不改其常故人

以爲通比來天下奢靡轉相倣倣而徐公雅尚自若不與俗同故前日之

通乃今日之介也是世人之無常而徐公之有常也逶迤則雍容曲折之義也別來不可說事與浮雲

多當時無限人毀譽即墨阿厚史記齊威王召即墨大夫而

語之曰自子之居即墨也毀言

日至然吾使人視即墨田野闢人民給官無留事東方以寧是子不事吾

左右以求譽也封之萬家召阿大夫語之曰自子之在阿譽言日聞然吾使

人視阿田野不闢民愁苦昔日趙攻甄子非能救衛取

薛陵子弗知是子以幣厚吾左右以求譽也是日烹之虛聲了無實

夜蟲鳴機梭次公蓋夜蟲有促織之名而實相逢一笑外奈

未嘗織所以成毀譽無實之義

此白髮何天驥皆箭雲援前漢禮樂志天馬歌云志倜儻長

精權奇箭浮雲上馳箭音躡

鳴飽芻禾王庭旅百實續左氏庭實旅百大貝隨弓戈

續書盾之舞衣大貝鼓鼓在西房

君獨一麾去次公顏延年五君詠阮

始平云屢薦不入官麾

乃出欲賡五袴歌援後漢廉范爲蜀郡太守民歌之甘棠古樂

曰廉叔度來何莫昔無襦今五袴

國次公甘棠陝州事今驛白酒金叵羅知君不久留治行

名尚謂之甘棠館云

中新科過客足瞋喜東堂記分鵝續晉劉毅傳初江州刺

史庾悅隆安中爲司徒

長史曾至京口毅時甚屯宴先就府借東堂與親故出射而悅後與僚佐

徑來詣堂毅告之曰毅屯否之人合一射甚難君於諸堂並可望以今日見

讓悅不許既而悅食鵝毅求其餘悅又不答毅常銜之義

熙之政奪悅豫章解其軍府使人微示其旨悅恐懼而死此外但坐

嘯後生工揣摩

詩送交代仲達少卿

此身無用且東來賴有江山慰不才舊尹未嫌衰

廢久清尊猶許再三開滿城遺愛知誰繼極目扁

舟挽不回歸去青雲還記否交游勝絕古城隈

送公爲游淮南

負米萬里緣其親運甕無度憂其身讀書莫學流
麥士挾策莫比亡羊人廼翁辛苦到白首汝今強
勉當青春昔時管鮑以君霸此兩士賈寧非貧

送別

鴨頭春水濃如染水面桃花弄春臉衰翁送客水
邊行沙襯馬蹄烏帽點頭問客幾時歸客道秋
風落葉飛繫馬綠楊開口笑傍山依約見斜暉

別東武流杯

莫笑官居如傳舍故應人世等浮雲百年父老知

誰在惟有雙松識使君

送蜀僧去塵

十年讀易費膏火盡日吟詩愁肺肝不解丹青追
世好欲將芹芷薦君盤誰爲善相寧嫌瘦復有知
音可廢彈拄杖挂經須倍道故鄉春蕨已闌干

留別登州舉人

身世相忘久自知此行閑看古黃睡自非北海孔
文舉誰識東萊太史慈落筆已吞雲夢客抱寒欲
訪水仙師莫嫌五日忽忽守歸去先傳樂職詩

送楊奉禮

譜牒推關右風流出靖恭時情任險陂家法故雍

容南去河千頃

大水中相別

餘惟酒一鍾更誰哀老子令

得放疎慵

留別叔通元弼坦夫

田三昔同寮向我每傾倒當年或齟齬反覆看愈好
寇三我部民孝悌化鄰保有如袁伯業苦學到
衰老石生吾邑子勁立風中艸宦游甌生塵飯水
媚翁媪我窮交舊絕計拙集枯槁三子尤見存往
復紛紛縞迎我淮水北送我睢陽道願存金石契
凜凜貫華皓

余將赴文登過廣陵而擇老移住石塔相
送竹西亭下留詩爲別

竹西失却上方老石塔還逢惠照師我亦化身東
海去姓名莫遣世人知

送呂行甫司門倅河陽

結交不在久傾蓋如平生識子今幾日送別亦有
情子生公相家高義久崢嶸天才旣超詣世故亦
屢更譬如追風驥豈免羈與纓念我山中人久與
麋鹿并誤出挂世網舉動俗所驚歸田雖未果已
覺去就輕河陽豈云遠出處恐異程便當從此別
有酒無徒傾

武昌酌菩薩泉送王子立

送行無酒亦無錢勸爾一杯菩薩泉何處低頭不

見我四方同此水中天

美哉一首送韋城主簿歐陽君

美哉水洋洋乎我懷先生送之子於城隅洋洋乎
美哉水送之子至於新渡念彼嵩雒眷焉西顧之
子於邁至於白馬白馬舊邦其構維新邦人流涕
畫舫之孫相其口顙尚克似之

先生遺民之子

別公擇

黍離不復閔宗周何暇雷塘弔一丘若問西來祖
師意竹西歌吹是揚州

蘇東坡詩集注卷第十五

